



李文朝(北京)

戊戌咏春

变法图强不顾身,岁更戊戌两回轮。
山川已换经纶手,关隘终来开锁人。
解索神龙当筑梦,值班旺犬正迎春。
吉祥红火城乡乐,锦绣乾坤万象新。

黄红梅(湖北·随县)

蝶恋花·生日吟梅寄怀

一剪梅花开四九,浮动黄昏,缕缕香盈手。任是漫天飞雪骤,玲珑五瓣团团秀。疏影横斜窥左右,小字云笺,些许清音透。独抱孤贞明月候,朱颜无悔风吹瘦。

西江月·与蓝月亮

早早我临窗下,遥遥你现云端。
温情相顾久无言,似隔千年再见。
不问别愁离苦,未知岁冷风寒。
置身如梦一轮圆,何处飞沙迷眼?

临江仙·立春

小径深深冰雪化,东风笛管悠悠。
云烟撷韵信天游。寿阳妆额上,喜鹊闹枝头。
长发飘飘簪几朵,朱颜些许娇羞。
兰溪清浅暗香浮。沾衣怜蝶梦,约月钓诗钩。

项小华(江西·靖安)

落叶有声

霜风脆折旧时春,荡荡悠悠欲绝尘。
落地訇然斜日扫,声声唤醒梦中人。

偶感

窗前读月伴枯樟,历尽沧桑忘暖凉。
枝拨浓云辉耀夜,私藏一缕照心房。

闽南归

莫道天涯新月高,故知不止与同袍。
年轮已伴车轮转,点点幽思酿绿醪。

罗威(贵州·铜仁)



鹊桥仙

舒云未老，秋千年少，芳草当时
 覆露。清辉霁雨净星河，谁便道人生
 如故。红尘梦好，青灯衔月，离
 别不言春暮。从来醉卧有时休，恨此
 意浮生一顾。

破阵子·教师节有感

燕子飞时春雨，桃花始卧南枝。
 谁令东门接花客，芳草如云日日思。
 时时花满陂。闹市初闻异馥，满
 秋桂子新垂。何处松高眠白鹤？谁得
 风华绕碧丝？路长人更痴。

张登军(宁夏·吴忠)

小院槐花开

带月侍农归，清茶煮一杯。
 庭前槐树下，久坐嗅芳菲。

垂钓闲情

荷叶卧清风，浮云落水中。
 游鱼衔饵去，我自赏飞鸿。

张允宾(山东·青州)

静夜思

静院徘徊恋旧人，韶华易逝若烟尘。
 时闲好忆童年好，夜寂真怜稚气真。
 阡陌采花思屡屡，村河戏水梦频频。
 西窗坐看红烛泪，日月经天日月新。

清平乐·黄昏

枯枝叶少，树上凄凄鸟。瑟瑟西
 风斜阳照，谁道黄昏还好？似梦
 如幻流年，萦怀心事三千，向暮唏嘘
 叹老，犹恐今夜难眠。

朱洪滔(江苏·盱眙)

立春

熏风又约柳前盟，脚步匆匆破五更。
 积雪犹怀藏腊梦，长河已送裂冰声。
 诗难入化连三牒，马不停蹄更一程。
 负我春光能作罢，春光我负账何清。

咏立春随感

骚客逢春总犯痴，他人不觉我先知。
 湖毫写秃犹嫌晚，歛砚磨穿却恨迟。
 柳绽墨中千百絮，花开笺上两三枝。
 唯愁即日文房竭，二月桃妍怎赋诗。

孟庆生(山东·潍坊)

2018年元旦感怀

东君又策白头人，前入仗乡今岁新。
 莫让年光随逝水，且将心雨去飞尘。
 登高再望三千丈，秉笔还吟四十春。
 双百迎来好风景，舒眉尽兴乐天伦。

咏雪

骚人持雪万般情，余爱琼花有独钟。

飘洒无痕润禾下，香泥不负翌年丰。

曹永华(江苏·泗洪)

庞效铎(上海)

浣溪沙·鸡年腊月初十瑞雪感赋

阵阵寒流透北窗，满天花絮正迷茫，山河万里裹银装。梅蕾开颜迎素友，衰翁悦意解诗囊，人间仙境也风光。

戚加上(江苏·泗洪)

出游

短袖轻身不觉秋，江南八月醉盈眸。
长山云影风吹破，一缕荷香引客舟。

即景

拂面新风暖，春莺报晓音。
平波腾旭日，玉线柳芽金。

徐登峰(上海)

车上口占

车乘薄雾越烟波，征雁耕云啸雅歌。
风舞残红铺客路，白头自喜赋诗过。

冬夜浦江游

岁暮浦江寒，飞舟不厌看。
翠楼隐浪底，帆影入云端。
铁笛鸣穹昊，浮鸥漾月澜。
星稀霜气白，伴我一宵欢。

冬吟

孤悬明月不知寒，斜照楼台倩影单。
借得清辉凝雅句，谱成心曲对谁弹？

夜吟

诗书一卷慰孤寒，群怨兴观细细看。
欲借清词吟雅韵，盈盈月色漫栏杆。

白海燕(安徽·无为)

独坐

独坐他乡暮色中，多情伴我有鸣虫。
清歌满耳高低调，一样秋声故里同。

人生

青春一意去天涯，老大魂牵却向家。
多少人生经此过，衰翁曾是野心娃。

许碧霞(江西·万载)

正月初四闻蛙声

老塘回暖动春情，风趣连连引步轻。
正问平池谁弄皱，却惊一片鼓蛙声。

新年初雨

春风邀雨洗尘枝，珠蕾琼苞独醒迟。
托与暖阳蒸几日，桃红李白恰逢时。

谢忠美(内蒙·赤峰)



立 冬

三秋已去朔风狂，百草凋零四野凉。
枯荻池中悲逝水，寒鸦树里泣残阳。
露侵黄菊枝头老，雪浴青松岭上苍。
更盼疏梅开慰藉，铅华洗净共天长。

卜算子·雪

本是蝶儿身，更赋清纯样。不待
东风款款吹，朵朵琼花放。千里
寄冰心，怎奈痴心往。不负疏梅那段
情，醉在寒枝上。

吴芳芳(河北·保定)

华清引·秋夜

飘零叶叶落窗前，午夜风寒。拾
枚题得心语，题来是宿缘。淹留
契约不堪看，思时惊泪潺潺。湿笺新
旧句，偏不见人还。

玉蝴蝶·采菊

纤纤斜鬓轻簪，香淡染眉尖。百
绪此中嵌，悠悠满竹篮。从来心
底事，何忍向人谈。惆怅不堪参，撷花
偷卜签。

极相思·落叶

踟蹰木叶悠悠，惆怅漫清秋。情
怀似这，飘飘曳曳，聚散成愁。

幸有微风聊作伴。倾醍醐，笑对
蟾钩。前尘往矣，随它寥落，拂过肩

头。

王孝峰(安徽·桐城)

重 阳

西风昨夜草萋萋，又见黄花客路齐。
对酒当歌秋已老，好将北海一壶提。

立 冬

细雨敲窗懒写诗，红炉酩酒正当时。
推杯拟约寒枝醒，坐待梅香扑鼻知。

小 暑

白景山间落，鸣蝉老圃来。
荷风侵后牖，竹露滴前台。
明月身旁坐，金星树上开。
纳凉斟北斗，清酌也悠哉。

何晓明(安徽·六安)

论诗词三首

绝

感来心动惹遐思，造象抒情入主题。
集聚精神喷发出，一声破晓唱雄鸡。

律

曲径通幽叠叠山，花香鸟语水潺潺。
时空虚实融情境，两两收来一大观。

词

万花筒里本多棱，叠嶂层峦任纵横。

百态千姿惊异处，赏心最是在燃情。

高佳平(浙江·富阳)

团 圆

归程千里踏寒烟，戴月披星除夕前。
一路风尘行箭步，万家灯火换春联。
乡村秀景迷人醉，郊野风光古渡眠。
几缕轻炊飘犬吠，天涯游子庆新年。

沿湖看柳

晴雨相间未见休，冬寒渐尽树梢头。
几行垂柳新芽绽，数点春光湖岸浮。

刘丙立(河南·新乡)

闲 居

端居闲事少，随意度年华。
追剧天将曙，行棋日已斜。
偶临三滴水，常养几盆花。
酒菜无须好，秦椒炒豆芽。

冬日客至

天冷人无趣，朋来大不同。
催妻温米酒，遣子请邻翁。
映雪南窗白，倾杯面色红。
见闻随口道，笑语破帘栊。

吴 芳(甘肃·康县)

极相思·检翻旧日诗文

检翻旧日诗文，凌乱看难真。窗边只影，笺中故事，倍觉嶙峋。
满目清晖堪若纸，铺轻轻，画得愁匀。
十分梦想，三分青涩，觅却无痕。

玉蝴蝶·秋之落花

轻红飘落寒枝，萧瑟不堪持。绿绮又轮回，红颜入暮时。人花同寂寞，相对两支离。霜冷鬓边吹，忍看斜日垂。

周贤邦(四川·泸县)

沁园春

别子抛妻，意欲回归，水远山遥。忆驱风逐雾，池边插柳。披星戴月，陇上耘苗。汗洒平畴，香盈峭岭，静待开镰共舞腰。今去矣，痛楼头话别，泪湿红绡。更深雨打芭蕉，盼独木红花日日娇。叹年年岁岁，躬耕沃野。朝朝暮暮，独守空巢。恋土山妻，离乡壮汉，七夕常思鹊架桥。难圆梦，见闲云淡淡，细雨潇潇。

程瑞麒(江苏·东海)

读《剑南诗选》有作

射虎南山急雪飞，此生唯愿老边陲。
纵横本是英雄事，败将莫说北马肥。

偶题燕子诗



雨后楼头看落晖，心情每为往年悲。
鸿鹄莫笑余无事，只愿栖梁不愿飞。

来根友(浙江·嘉兴)

七十抒怀

迂儒落落小城居，白发萧萧谁识予？
长短芜词空自爱，老中道友愧其誉。
书生意气多遗害，文海戏嬉终了除。
何事犹缠杞人思，无心寝食仰天嘘。

汪超(安徽·岳西)

春日感怀

沥沥甘霖卷秽埃，桂香阁外起春雷。
门前老竹怀新笋，屋后苍松伴绿苔。
似玉韶光堪共赏，如驹岁月更相催。
情深最是堂前燕，又借东风舞袖回。

许传利(广东·深圳)

迎春

巧裁幡胜送金鸡，犬跃江山燕啄泥。
浅浅轻寒河柳瘦，蒙蒙酥雨画帘低。
隔花啼鸟歌新曲，破浪进舟卷白霓。
气象万千同筑梦，敢将春色带香题。

关河令·咏竹

凄风寒雨谁共济。为何偏是你。
高节虚心，梢云瘦金体。孤芳托
根春寄。粉蝶恋、清香禅味。箨落新

生，惊雷萦梦寐。

李鸿楷(浙江·瑞安)

天子山贺龙元帅铜像

一

生就龙躯骨格奇，威仪雕像见雄姿。
武陵山谷松风急，疑是身旁战马嘶。

二

奇勋战迹壮乾坤，风障雾霾何足论？
万壑翠涛喧日夜，高歌铁骨一忠魂。

段志东(辽宁·瓦房店)

冬至抒怀

霜天雪夜铸冰戈，寒铎风刀霍霍磨。
我愿梅红枝一剪，撷春唱尽壮怀歌。

人月圆·元夜

年年此夜华灯竞，火树绽银花。
三三两两，盈盈巧笑，飞向千家。

阑珊静处，暗香疏影，玉雪仙葩。
一桩心事，泪眸凝挂，月寄天涯。

嵇发根(浙江·湖州)

香樟叹

元月24日腊八节下午始有雪飘，25至27
日中、大雪3天。其间，香樟已深受雪害。
之前2008年春节前夕雪灾，距今正好10

年。

赏雪当初已酿灾，满城肥绿不经摧。
轻休梧凤无声去，狂啸玉龙因势来。
不测风云一时误，焉知祸福十年回。
残枝断干堆狼藉，哀叹绝非行道材。

闫 钧(河北·康保)

秋雨遣怀

迷蒙淅沥哪时休？檐滴敲心和泪流。
曾奏高山琴瑟韵，还登芳苑桂花楼。
清风千里痴情笃，碧水一舟尽意游。
诺语成空烟雾缈，无边絮雨使人愁。

鹧鸪天·残梦悠悠

寻梦鸡鸣春复秋，蟾宫几度入芳楼。
一潭碧水田田叶，菡萏飘香荡小舟。
花自去，水空流，东风无力挽春留。
嫣红姹紫今何在？寂野茫茫孤月幽。

谭永伟(广东·佛山)

秋 吟

清泉濯足水云间，问讯飞鸿何日还？
剪剪商风旋旧叶，遥遥北斗蕴秋山。
流溪小草红鱼静，对岸蒹葭白鹭闲。
且付冰心追朗月，荣枯逸事老容颜。

长亭赏秋

秋声惯听倚长亭，野外黄花十里馨。

美酒盈杯徒寂寞，危楼醉月记叮咛。
枝沉节遂寒风雁，心数空蒙子夜星。
世味红尘皆过客，何妨菊苑觅诗灵。

唐 敏(贵州·纳雍)

喝火令·自画像

处世无须假，为人自有真。向来怕负是青春。
光影卅年如梦，消散再无痕。聊把诗怀遣，
时将玉露斟。拟图一醉忘晨昏。半世荣枯，
半世辱和嗔，半世浮华参透，余下自然心。

鹧鸪天·观神女峰感题

守望江流如许年，依然子影立峰巅。
高唐梦若烟光散，方寸心如梅子酸。
肠寸断，意阑珊，凡尘与爱不相干。
相思堰塞长江水，没过巴东十万山。

唐多令·红豆情

红豆种多年，而今别样鲜。任相思、
发满篱边。燕子来时春正好，莹莹影、
怕游园。曾记小窗轩，枫题绝世缘。
唤声声、扣动心弦。玉液频斟三百盏，
来扶醉、是神仙。

李殿国(辽宁·阜新)

秋 情

硕果盈枝稻谷香，金风送爽雁高翔。



树凋西岸三分绿，霜染东篱一片黄。
暮雨凝愁思柳永，斑竹含泪叹潇湘。
吟坛多少悲秋客，谁使离人枉断肠。

题胡杨

铁干临风立，虬枝叶似金。
拒沙凭傲骨，遮暑仗林荫。
暮送驼铃远，朝迎羌管新。
情真身不朽，大漠展雄魂。

郑杰(江苏·盱眙)

冬月十八日雪后

(一)

鬼斧还看造化修，万千玉蝶纵天游。
休言草木无情物，落尽秋思更白头。

(二)

凄紧霜风飞玉沙，也将旅思载天涯。
可曾昨夜来青帝？径外游人踏落花。

(三)

闭关无事一杯茶，寒彻山河感物华。
三月何须广陵去，今朝看尽是琼花。

田博文(浙江·玉环)

闲吟

三更无梦问梅花，淑女前身何处家。
许是天山云外客，为谁流浪到天涯。

题江边落日图

江畔伊人独倚栏，水天一色景阑珊。
桥头觅得金丝线，欲把斜阳拉上山。

岁末感怀

流年莫笑指间虚，浅唱低吟三载余。
检点囊中无所有，床头仅赚一堆书。

刘义(湖北·武汉)

踏莎行

山手遮眉，高楼如堞，晚归燕子谁家落？
多情泪眼善伤春，问花几许斜阳陌？
不待春归，天长水阔，秋思红叶人夺魄。
春花落尽杏梅熟，山间桃艳人间果。

生查子

眼波娇欲横，一笑动心曲。相遇便相别，未敢道一语。
惆怅只影斜，一梦黄昏雨。不是伤春时，犹恐春归去。

赵爱华(内蒙·赤峰)

霜降

叶飞窗外触心州，满岭红黄尽染秋。
瘦柳临池摇月下，寒风入户锁檐头。
任由花影千山远，怎奈珠帘一梦幽。
再看西园萧瑟处，芦花几尾夕阳留。

徐雨生(江苏·如东)

丁酉年惊蛰后两日

惊蛰迎来燕入庐,徘徊重识去年居。
 几分春色谁先赏,数点嫩黄君独舒。
 冷暖瞬间多变化,阴晴终日尚踟躇。
 芳心焦盼桃花妹,共舞东风品鳊鱼。

摊破浣溪沙·初冬小雨

潇洒清晨似有无,琼田点点落珍珠。
 银杏凋零黄叶坠,散园蔬。
 淅沥敲窗多雅韵,殷勤码字费工夫。
 听雨细斟新酿酒,饮三壶。

刘 峰(河北·吴桥)

腊 夜

遥夜深沉动别情,不堪雪月照双城。
 柔光一缕穿窗过,似有心思欲说明。

鹧鸪天·青春

岁月绵长路几重,人间何处不春风。
 陌头草长寻常绿,梦里花开别样红。
 思缱绻,月朦胧。一杯美酒醉相逢。
 年年不尽相思句,写向涛笺是独钟。

赵元席(安徽·宿州)

雪

休言势大塞天门,暴虐河山欲独尊。

一点梅花春脚到,清风正待满乾坤。

踏雪寻梅

寒极总望枝上新,匆匆踏雪费劳神。
 心中若有梅花放,料得门前已是春。

吴 江(四川·遂宁)

旧宅窗前银杏

独坐轩窗对银杏,冬来秋去叶成金。
 春风染碧私翻卷,明月穿枝自抚琴。
 几度回眸愁里别,何时归梦泪中寻。
 重临故宅无相识,老树殷勤促客吟。

冬 晴

长堤信步趁冬晴,迟日微风百感生。
 雾隐遥山如兽伏,江吞孤岛似舟倾。
 菊花三五蒹葭老,榕树连阴鸦雀鸣。
 早发梅花似相待,振衣举目复前行。

张建华(重庆·南川)

讲 台

三尺台高伴学宫,喜将心血注蒙童。
 师添白发生添智,薪火相传一脉通。

黑 板

如听严师娓娓谈,笔头指处兴犹酣。
 古今中外悠悠事,万卷千章壁上涵。

粉 笔



英姿秀挺启蒙来,喜化龙蛇着意催。
莫道寸身磨已尽,一分知识九分灰。

图 书

满目琳琅道不孤,总从册页识之无。
燃藜读破三千卷,可探骊龙颌下珠。

张海丽(河南·西平)

春夜情思

一盏孤灯一帐寒,深宵今又不成眠。
丁香隐隐随风入,唯剩星光照玉栏。

蝶恋花

昨夜风声随雪漫,透过窗帘、乱把愁丝卷。牵着家山思绪远。春光一斛衾中暖。 若问工薪言语短,虽有三千、连那房租管。囊内空虚何壮胆?北平梦到西平满。

秋日情思

西风黄叶送,到眼乱纷纷。
易秃塘前树,难遮水底云。
相思凭雁寄,寂寞与谁论?
断续犬声里,倚栏看落曛。

吴农荣(甘肃·民勤)

【中吕·山坡羊】沙乡红枣

秋风轻唤,白云赞叹。枣园树树红烂漫。乍一看,灯万盏,娇颜陶醉了

庄稼汉。颗颗情牵游子返。梦,也阑干。眼,也望穿。

【商调·凉亭乐】沙乡蜜瓜

陌上金秋蜜瓜黄,芬芳引我进沙乡。香风敞亮卖瓜的嗓,四轮儿一路碾夕阳。圆溜溜堆满市场,黄灿灿挤窄街巷。品牌儿早上了央视榜,请君尝。

【正宫·鹦鹉曲】沙乡枸杞

田畴遍植摇钱树,红豆儿情深富乡梓。一串串珍珠一串串诗,都是农家汗滴。(么)丰收的歌曲压弯枝。谁说脱贫无计,乱红无数争致富,小枸杞赢来大欢喜。

朝 颜(江西·瑞金)

卜算子·泛舟观荷

入夏看西湖,最喜彤云绛。久慕仙姿欲近前,误入青纱帐。 既是水中花,伞盖何须掌?相恋鱼儿共晓昏,化影随她漾。

蝶恋花·花间诺

夜色苍茫江寂寞,细雨兰舟,淡入深云壑。古渡风轻杨柳绰,繁丝摇动长如昨。 忆昔从游烟雨阁,携手清欢,笑满秋千索。无限柔情成一觉,而今谁记花间诺。



翟红本(河南·鲁山)

咏汤沟两相和酒

喷珠溅玉古流泉,新酿汤沟诗味绵。
气脉通神回北宋,风香引雁下南天。
最宜客舍呼朋好,尤爱家山宴月圆。
都道和为人世宝,悟时便是酒中仙。

品泸州老窖

酒城递我夜光盅,灌倒群山唱大风。
月枕甌池千载曲,花扶诗杖半仙翁。
涛声收取挥青袖,星语寒暄叩碧枕。
老窖倍增情一段,人生不醉不英雄。

刘柏青(广东·丰顺)

空谷幽兰杂咏十五叠(选二)

岂从鸛鳩诉酸辛,雪径冰根自有神。
雨洗霜磨滋玉剑,风梳霞蔚立元身。
每随筠影高凌月,拟共梅魂远绝尘。
一曲骚歌何缱绻,幽香护得等闲民。

复 叠

月窟阴崖几许辛,寒林濯濯逸丰神。
所南枵触千秋泪,朱耆伶俜百劫身。
巨耐幽贞偏惹怨,最怜穷谷不沾尘。
孤高疏淡今谁与,清影望穿湘佩民。

蔡 建(江苏·仪征)

春之歌

诚信惠风青细柳,颠狂彩蝶舞芳丛。
桃花红润疏烟外,莺鸟和鸣春曲中。
戏水家禽知水暖,含情野草播情浓。
岂能空负东君意,引吭高歌织彩虹。

刘维斌(江苏·泗洪)

诗圣吟

气吐毫端壮志遒,情牵黎庶系君忧。
胸中韵律喷难歇,口里珍珠滚不休。
恶竹应除心报国,天威未破血涂头。
青春梦碎穷途泪,唤起江河万古流。

梁家齐(陕西·乾县)

观上官辉自驾游川西藏区图文纪实
始从外事继营诗,文彩风流小试之。
莫道将军情渐老,吟诗摄影正宜时。

高 山(山东·潍坊)

陕西关中怀古

诗人自古爱长安,会处谁知岁月寒。
子美高才行不易,青莲仙道路犹难。
兵来雁塔钟声尽,祸起骊山晚照残。
纵是兴亡成夜话,依然有恨独凭栏。

鹧鸪天·桂花树

桂树天官未独生,人间苑上也娉婷。
馨香已是随风远,爽气还来合露清。
花点点,叶盈盈,不争春色



做秋荣。芳思醉了无尘夜，倾尽娇姿对月明。

黄永平(广东·兴宁)

寒 雀

西风逐月牵衣袖，只影依桥人冷透。
夜雨庭前叶涕零，寒霜槛外花容瘦。
数声雀唱诉情衷，几处柳翻倾慕扣。
欲饮闲愁酒百杯，把樽却把春来守。

柿 子

秋风掀叶落，满树挂灯笼。
傍晚斜阳照，交相笑脸红。

范裕基(山东·青岛)

观《那年花开月正圆》

典入豪门几载身，情仇恩怨掠狂尘。
通房也是丫鬟命，冲喜真非贵格人。
季世王爷诚劫富，粥棚商贾岂医贫。
民生国计天知否，一介包衣百万银。

题画钱塘怀古

连夜秋声恨不消，钱塘岸拍吼狂潮。
横箫吴市何人怒，策马阴兵浊浪高。
寺外尘霾夕阳泪，毂中富贵杀猪刀。
百年多少冤冤事，六道轮回劫火烧。

王加华(江苏·连云港)

行香子·雪地情怀

天暗云垂。大雪纷飞。须臾内、犬白鹅肥。路渠不辨，草木全非。望鸟无踪，山无影，玉成堆。 空调开启，芳樽移就。约高朋、乐话新题。练兵场上，威武雄师。正迎风雪，挥长剑，保红旗。

离 情

去年偎倚百花春，一片丹心赠玉人。
红豆不知谁摘得，相思伴我渡昏晨。

傅 瑜(浙江·云和)

鹧鸪天·故乡情思

鹧自嚶鸣我自闲，烟波飞棹入乡关。
夭桃映日湖山秀，弱柳摇风云水宽。
心激荡，泪轻弹，绵绵笃眷起情澜。
满怀淑气醇如酒，好借春宵携梦还。

满庭芳·郊游

时润繁英，风裁细柳，雨霁天色初晴。
出游寻胜，连路尽欢声。一幅辉煌画卷，朝晖里、水秀山明。
凝眸处，清波流韵，大地漫芳馨。 前行。阡陌上，才飞紫燕，又唱黄莺。
听征战春雷，耳畔轰鸣。澎湃心潮不息，看乡野、热气蒸腾。
凭栏望、万千气象，激荡我诗情。

徐 焰(山东·青岛)

再踏讲台

杏坛再踏入迷痴,喜进簧官又作师。
夏究新声冬琢句,晨研平水夕敲词。
欣怀绮丽勤追梦,乐见虔诚勇探骊。
俱道人生应有志,桑榆重振不为迟。

陈永庆(内蒙·呼伦贝尔)

超级血月与月食同现

广寒宫外自流连,血珀新成沁玉盘。
素影悄食吞皓彩,金波溢饮醉红颜。
欣逢圆缺百年后,共睹阴晴一夜间。
飞镜今宵悬盛世,嫦娥悔药在高天。

陈家瑞(福建·德化)

迟暮梦远

秋日黄昏看晚霞,老年欲梦到天涯。
夕阳诗意嫌时短,迟暮书缘盼月赊。
玉石台边思往事,明溪涧底话桑麻。
人登万岭心当远,胸纳千山气自华。

朱刘江(江苏·东海)

逢雾有感

四面岚烟起,更无鸡犬喧。
瑶台休更觅,只此即神仙。

如梦令

常忆故居庭院,春至燕儿相伴。
朝暮醉呢喃,那景那情堪赞。难见,难见,
楼宇尽遮双眼。

颜 静(湖南·永州)

生查子·春意斑斓

一

亭外鹧鸪催,天上晴云走。一角
泪巾挥,扯断千丝柳。岁岁杜鹃啼,日
日梧桐瘦。拂面又春风,不解相思扣。

二

穿雾履行迟,照雪梅开早。疏影
醉寒姿,意欲相思了。忘情折一枝,难
买伊人笑。何止苦心伤,还惹春风恼。

三

零落桃李花,淅沥潇湘雨。岸转
水东流,谁个能留住。尘世泪晶莹,独
少回头路。还借一篙风,追影洞庭
去。

俞 正(江西·东乡)

鹧鸪天

久别家山梦不离,儿时情景总相
随。溪田还在云还在,记忆已非人已
非。少年去,老大归。春风几度
绿沙堤。稻香细雨双双燕,依旧村前
自在飞。



虞美人

四围耸翠岚烟锁，村在云中泊。
古樟几树老桥边，错把青峰背到屋门前。
狮冈胜览笑声起，瑶里谁能比。
一湾碧水绕河洲，两岸行人都在画中游。

何跨海(湖南·平江)

舞 蹈

仙子凌波玉臂攘，明星璀璨彩衣裳。
停云踏月歌声婉，带露迎风舞袂长。
林下牡丹花并举，空中仪凤翅齐张。
满台优雅知三昧，一幕峥嵘动四方。

夏日偶得

筒青桥下水澄漪，芳树楼台护玉池。
两岸烟霞迷倒影，一江风月展余姿。
南薰拂拂禾千亩，翠柳依依络四垂。
因恋此间佳丽地，归来已是夜凉时。

许德明(浙江·德清)

三九寒宵

诊罢回家不出门，展笺灯下近黄昏。
吟添须发三冬雪，梦断梅林五里村。
窗映红霓无寂冷，茶烹紫笋有和温。
蓦然回首金花放，向我递传春一痕。

浣溪沙·春雷

天外浓云压陋门，春雷滚滚动鸿钧，
倾间急雨净埃尘。鸭绿一湾添秀气，
桃红数点丽前村，乱闻小雀闹江津。

邱鹏飞(四川·绵阳)

雨过荷塘

云翳苍山雨打窗，浅香过处摆裙妆。
蛙鸣池水立荷上，珠落青盘音韵长。

值立秋日遇雨

潇潇秋雨洗涪城，木叶凉风簌簌声。
酷热悄悄随夜去，蝉鸣阵阵透悲情。

鲁 芪(甘肃·康县)

踏莎行·咏春

云撒清溪，柳摇河岸，莺歌燕舞
新风暖。红花碧草醉游人，春光酿出
诗飞溅。喜悦萦怀，笑容满面，
童谣唱得芳菲绽。山乡胜景忒多情，
馨香缕缕心头漫。

踏莎行·郊游

陌绽夭桃，河翻碧浪，春光又在
眸前晃。踏青约友去郊游，暖风熏得
芳馨荡。鬓戴时花，心离尘障，
真情返老还童样。纸鸢拽起满天飞，
新诗系到云身上。